

四庫全書

經部

欽定四庫全書

經部

高齋長箋卷三

詳校官監察御史臣劉人容

通政使司副使臣莫瞻氣覆勘

總校官編修臣王燕緒

校對官中書臣李斯咏

謄錄監生臣馮國柄

欽定四庫全書

禹貢長箋卷二

吳江朱鶴齡撰

濟河惟兗州

濟漢書作涕兗史記作沅沅即兗

爾雅濟河間曰兗州

郭璞註自可東至齊

釋名兗州取沅水為

名孔傳東南據濟西北距河正義據謂跨之距至也

濟河之間相去路近兗州之境跨濟而過東南越濟

水西北至東河也

鄭志曰注言至者正至其處據者過正處距者不及其處熊氏

禾曰兗州當河下流西距河東距濟北濱海南接徐

豫之境茅瑞徵曰濟古文作洑說文註此兗州之洑即洑水也其從水從齊者地志出常山郡房子縣贊

皇山

山在今真定府贊皇縣

東至鉅鹿郡屢陶縣

今真定府寧晉縣

入

洑然水經注云二濟同名則洑之訛為濟舊矣章俊卿曰黃河舊道三代以前自宋衛州之黎陽縣境折而北流故北京及河北東路諸州在河之東即古兗州之域自周定王時舊道湮塞秦漢以還河隄屢壞乘上流之勢決而東下故兗州之域隔在河北而河

東之名乃移在并州

王氏炎曰漢元光中

武帝

河徙

東郡更注渤海繼決瓠子

在今大名府開州西南

又決魏郡之

館陶

今館陶縣屬東昌一統志黃河故道在館陶縣西南五十里

遂分為屯氏河

地理志屯氏河在館陶東北至渤海章武縣入海章武今河間府鹽山縣

大河在西屯河

在東二河相並而行永光中

元帝

又決清河靈鳴犢口

地理志河水自靈縣別出為鳴犢河東北至蓐入屯

氏河靈縣故城在今東昌府博平縣西北三十里鳴

犢河在今東昌府高唐州南三十五里孔

分流入博

子臨河而嘆處蓐縣今河間府景州音條

州

今東昌府聊城縣

屯河始塞後又決平原東入齊入青以

達于海而下流遂與漯為一王莽時河遂行漯川

今在

東昌府

夫河不行于大伾之北而道于相魏

今大名府地

之

南則山澤在河之濱者支川與河相貫者悉皆易位而與古不合矣 愚按水經云大河故瀆北出為屯氏河古時深廣與大河等故酈道元疑即禹貢泇水今衛河經館陶合漳水說者謂即屯氏故道自河東南流道淮入海而衛河但資百門泉水以通轉漕班固配十二次自軫十二度至氐四度為壽星之次

費直起軫七度蔡邕起軫
六度爾雅壽星角亢也

于辰在辰鄭之分野

按左傳歲

在星紀淫于玄枵梓慎以為宋鄭必飢鄭地後為韓
所都故帝王世紀作韓分野然考地理志此分野當

屬衛與宋鄭
韓皆無與

屬兗州

廣雅北斗七星三
為機機為青兗州

晉天文志角

亢氏鄭兗州東郡入角一度東平任城山陽入角六

度泰山入角十二度濟北陳留入亢五度濟陰入氐

二度東平入氐七度

周職方氏河東曰兗州其山鎮曰岱山其澤藪曰大

野

漢書作
秦壘

其川河涕其浸盧維

鄭玄云盧當作雷即
雷夏維當作雍即灘

水顏師古云盧水在通典兗州衛其分野兼得魏宋
濟北盧縣鄭註非是

齊秦之交秦置郡為東郡碭郡之東北境齊郡之北

境鉅鹿上谷二郡之東境漢地理志今東郡及魏郡

之黎陽河內之野王朝歌

野王朝歌禹時屬冀州

皆衛分衛為

狄滅齊桓公更封衛于河南曹楚丘

二邑名詩傳曹楚丘在滑州今

滑縣是為文公子成公徙帝丘今之濮陽是也

今東昌府濮州

濮陽本顓頊之虛故謂帝丘秦滅濮陽置東郡後漢

郡國志兗州刺史

治昌邑今金鄉縣

部郡國八陳留

禹時屬豫州

東郡東平

故梁國景帝分為
齊東國宣帝改

任城

章帝分
東平置

泰山濟北

分泰山置故城
在今長清縣西

山陽

故梁景帝分置故城
在今兗州府金鄉縣

濟陰

故梁
景帝

分置宣帝別
為定陶國

通考漢時為郡國九郡則東魏泰山濟

陰平原清河渤海千乘

東漢更名樂安故城在今濟
南府陽信縣一云在臨濟鎮

國則東平唐地理志河南道

採訪使
治陳留

古兗州域濮為

大火分究為降婁分齊棣為玄枵分滑為媯訾分

唐
河

南道合古豫兗青徐之
域內齊州通典屬青州

通典唐分置十五郡古兗州

為河南道靈昌

滑州本
東郡

濮城

濮
州

濟陽

濟
州

東平

鄆
州

等郡

河北道魏郡

魏州

博平

博州

平原

德州

樂安

棣州

景城

滄州

清河

貝州

等郡宋史京東東路則濟南府

本齊州

京東西

路則濮州京西北路則滑州河北東路則大名

本魏郡

開德

本瀋州

二府滄博棣德濱恩

本貝州

六州及永靜軍

即景州

河北西路則濬州

本通利軍端拱初以滑州黎陽縣建通利軍屬河北路通

考又有鄆州共州十四

明一統志古兗州今山東省東昌府

春秋

齊西鄙聊攝地戰國為魏齊趙三國之境秦置東郡漢為東郡濟陰清河三郡之境魏晉屬平原國隋唐為博州宋為濮州其地南接濟南府

禹貢青西兗北之地春秋戰國

並屬齊秦屬齊郡漢為濟南國又為平原千乘泰山
渤海四郡之境北魏隋唐並為齊州宋為興德軍陞
濟南府其地東有瑯琊即墨之饒西則兗青二州域
有濁河之限南有泰山北有渤海

齊河禹城臨邑長清肥城青城陵縣泰安州新泰萊
蕪德州德平平原武定陽信海豐樂陵商河濱州利

津諸化蒲臺屬兗州兗州府春秋魯地秦為薛郡漢為魯國及
泰山陽郡東漢分置任城國唐

曰兗州宋改襲慶府其地東盤瑯琊西控鉅野北走厥國南馳五鄉河濟間一都會則兗徐二

州域陽穀東阿平陰東平汶上壽張屬兗州按北直
徐州曰東原底平則東平恐應入徐州

隸大名府詳見則冀兗二州域元城大名南樂清豐
冀州則冀兗二州域內黃開州長垣東明

魏縣屬兗州河南省開封府詳見則兗豫二州域延津封
兗州則兗豫二州域丘原武

陽武項城

屬兗州

司馬光曰兗州境包今之河朔漢兗州界在今河陽

非禹貢舊境也馬端臨曰兗州舊疆介于河濟地非

險固風雜數國兩漢以後兗州所領郡國東境則入

青州西境則兼入荊河州及西晉之末為戰爭之地

三百年間傷夷彌甚其分割不得而詳焉愚按周併

徐入青又分青入兗自濟以南皆屬焉則周時之兗

已非禹貢疆域今兗州府畧及海岱東南郡邑在徐

州域者十之七八西北郡邑在兗州域者十之二三其府治實春秋及漢之魯國與秦之薛郡

九河既道

孔傳河水分為九道在此州界平原以北是爾雅九河徒駭一太史二馬頰三覆釜四胡蘇五簡六絜七鈎盤八鬲津九李巡注徒駭禹疏九河以徒衆起故曰徒駭太史禹大使徒衆通其水道故曰太史馬頰河勢上廣下狹狀如馬頰也覆釜水中多渚形如覆

釜胡蘇其水下流胡下蘇流也簡大也河水大而深也絜苦也言河水多山石治之苦絜鈎盤言河水曲如鈎屈折如盤也鬲津河水狹小可鬲以為津也正義河從大陸東畔北行而東北入海冀州東境至河之西畔水分大河東為九道漢成帝時許商上書言

古記九河之名有徒駭胡蘇鬲津今見在成平

今河間府

獻縣地理志

東光

今屬河間府地理志東光有胡蘇亭屬渤海郡

鬲縣

今河間府

屬渤海郡

鹽山慶雲二縣皆是地理志屬渤海郡

界中自鬲津以北至徒駭其間

相去二百餘里是知九河所在徒駭最北鬲津最南
蓋徒駭是河之本道東出分為八支徒駭在成平胡
蘇在東光鬲津在鬲縣其餘不復知也爾雅九河之
次從北而南既知三河之處則餘六者太史馬頰覆
釜在東光之北成平之南簡絜鈎盤在東光之南鬲
縣之北也今河間弓高弓高故城在今景州以東至平原鬲津
往往有其遺處左傳疏九河故道河間成平以南平原鬲縣以北呂氏祖謙
曰禹不惜數百里地疏為九河以分其勢善治水者

不與水爭地也鄭曉曰河流下趨海潮上湧勢必激
盪須分為九河在滄州之北平州之南姚舜牧曰九
河原未有道禹當河水奔衝疏此道以分其流故曰
禹之行水水之道也愚按九河故道漢世近古止得

其三

徒駭胡
蘇禹津

唐宋人考據遂得其七

按杜佑通典云
覆釜在德州安

德李吉甫元和郡邑志云馬頰在德州平原東南樂
史寰宇記云鈎盤在樂陵東南從德州平昌來歐陽
志輿地記合藺絜為一云在臨津并
徒駭胡蘇禹津為七臨津唐屬景州而太史竟不知

所在

齊乘清滄二州之間有古河隄岸數
重地皆沮洳沙鹵太史河當在其地

朱子孟註

分簡絜為二蔡傳合之為一云其一即河之經流吳

氏程謂南皮縣

今屬河間府

明有簡河何嘗合絜為一且

徒駭乃河本道九者之外安得更有經流乎大都究地平演無高山故河患尤甚禹自下流導之施功當最先或謂治水始于疏壺口鑿龍門者非是 鄭樵

曰按圖志瀛州有成平故城又有徒駭河永靜軍

宋屬

河北東路

有東光縣東連滄州有胡蘇亭蓋因河命名而

滄州復有禹津鉤盤太史河之名禹縣故城在德州

與滄比境舊說禹導河至頓丘

故城在今大名府清豐縣西南二十五里

分為二渠一曰漯川出武陽至千乘入渤海一曰北

瀆出貝丘

今東昌府清平縣

至大陸北播為九河同為逆河

入于海鄭氏云九河齊桓公塞之而北瀆至王莽時

亦絕故世謂王莽河今在永靜軍

水經注大河故瀆經元城西北至沙

丘昔禹播九河自此始也寰宇記大河故瀆在大名府東南三里俗名王莽河一統志大名府元城縣有

屯氏大河故瀆俗云王莽河一名毛河

然每疑禹所導無二河按武帝元

光三年春河水徙頓丘東南流入渤海是為朝城之

漯河

朝城漢東武陽今屬東昌府按水經注洛水東北過濮陽別出為瓠子河又東北過東武陽為

漯河又東北過大名館陶別出為屯氏河又東北過清河靈縣別出為鳴犢河今皆絕然則今

河之入海者入渤海耳禹貢所謂入于海者由碣石

之海

按孟康云禹時河入海碣石不注渤海晁補之河議云二渠于禹貢無見禹時河入海蓋在碣

石渤海北距碣石五百餘里而河入渤海乃漢元光三年河徙東郡所受注也而言禹時河入渤海何哉

此鄭說所本

北瀆乃禹所導之河其後河奔漯川入于渤

海故瀆遂絕蓋故瀆在北漯川在東河決而東勢則

然也恐非齊桓所塞自河決漯川之後北瀆遂微九

流皆絕王莽河上承北瀆下入逆河為一河微通奈
北勢高故後亦絕但由漯川爾 蔡傳滄州之地北

接平州相去五百餘里九河當在其地後為海水淪

沒

此據王橫說酈道元亦謂九河苞淪于海

又前言夾右碣石則九河入

海之處有碣石在其西北岸今平州正南碣石尚卓

立海中去岸五百餘里可以為證王樵曰按九河故

道在滄瀛景德之間說者求于此而不得以為淪入

于海不知河昔北流故分為九道後世河中既徙則

九河漸涇縱非海水淪沒其故蹟可得而復求乎又
鄭玄據春秋緯寶乾圖以為齊桓公填閼八流以自
廣而止存徒駭夫神禹至齊桓千五百年支流漸絕
經流獨行亦理勢如此非齊桓冒曲防之禁而塞之
也大率河底常高今于開封府測其中流冬春深僅
丈餘夏秋亦不過二丈餘水行地上初無長江之淵
深故自古瀕河地每有非常之水河必驟盈盈則決
每決必瀰漫橫流深者成渠以漸成河淺者淤澱以

漸成岸數年之後下流既淤則中流河底又以漸而高而河又不容于不徙矣既徙之後其丈餘深之故蹟風填沙壅復為平陸無足怪者所以不可復尋也今河間慶雲縣尚有古黃河廣可三里許兩岸隄皆高丈餘慶雲距滄州百四十里天津三百餘里九河非海涇其理明甚徐常吉曰今衛河入海之道即九河入海處京東地形無有下于此者古今當不甚遠特故跡湮沒不可考耳凡海水易溢之處古時皆有

捍塘今淮安嘉興皆然獨滄瀛一帶為沮洳萑葦之場則北海之未易溢可知王橫漢人假令自堯至漢海溢浸數百里則自漢至今滄瀛之地桑田當盡為海矣蔡九峯據之遂謂九河入海碣石方九河未沒于海之時從今海岸東北更五百里平地夫水勢就下滄瀛之地既已濱海何不遂注之于海乃又引之向北斜行經五百里此何為耶若如所云是引河以就碣石初非即碣石以證河其誤明矣韓邦奇曰

古河自鞏縣歷懷衛彰順名真數郡今止長垣開州
清豐畧見其跡然亦非禹時故道也今永平府碣石
山在海東南之灣永平謂之南海此洋東西長而南
北狹古河從此入海今河徙而洋存又曰據山東通
志馬頰在商河覆釜在海豐鈎盤在德平禹津在樂
陵徒駭在齊河皆濟南府屬今真定府南三百里方
是濟南北境真定去濟南東西六百餘里古河自洺
水直趨而北至大陸皆真定地又北播為九河固永

平河間地也不應至大陸折而東反回流而南以至
濟南之境滄州古志徒駭在滄州廢清池縣西北太
史在本州南皮縣治北馬頰在景州東光縣界胡蘇
在滄州慶雲縣西南簡絜在南皮縣城外鈎盤在獻
縣東南禹津在慶雲縣
一云在濟南府樂陵縣西二
十里古禹津當在今河間
南之其地相去不遠當是九河故道古志得之土人
間可徵也河雖為冀兗之界然兗地最下九河之分皆
在兗地故既道于兗言之

李垂曰兩漢而下言水利者屢欲求九河故道而疏

之今考圖志九河並在平原而北且河壞澶

今大名府開封

滑

今大名府滑縣

未至平原而上已決矣九河奚利哉夏允

彝曰入海之所固宜分疏之使速泄下流速泄則上

流不壅河之利也若未及于海則流分力弱無以刷

沙適壅之矣故曰河不兩行兩行猶不可況九河歟

雷夏既澤

漢地理志雷澤在濟陰郡城陽縣西北

水經注雷澤在城陽縣故

城西北一統志雷澤城在東昌府濮州東南一百里
十餘里

舊曰城陽北齊廢隋置雷澤縣唐宋因之今省為鎮

山東通志雷澤在兗州府
曹縣東北六十里今涸
蔡傳雷澤中有雷神龍身

而人頰鼓其腹則雷然則本夏澤因其神名之曰雷

夏也金氏履祥曰濮州雷澤縣西北有雷夏陂東西

二十里南北十五里計古雷夏必大于今愚按諸家

以雷夏為濟水所鍾鄭端簡謂雷夏在濟水之南與

大野不同故不言既豬而言既澤是雷夏乃濟所經

非濟所匯也考水經注瓠河左經雷澤北

河形如瓠名瓠河口

發源魏郡白馬此其下流在濮州東南七十里

自鄆城

今屬兗州府

東北逕范縣

今屬東昌府

與濟渠合則雷夏在後世又為河濟二流纏

絡陳師道云即黃河故道今呼沙河風俗通水草交

厝曰澤言潤澤萬物孫氏覺曰既澤向未為澤今始

為澤既緒向已為澤今復舊也呂氏祖謙曰治水川

流畎澮相轉而達于海者使之有所歸也或不可達

海則捐數百里之地因其勢以為澤使之有所容也

王綱振曰雷夏大野荷澤孟豬滎皆濟水也或為所絕或為所經或為所溢然實分二派一派出河入海而會于汶此兗州雷夏豫州荷澤孟豬之濟也一派從淮入海而合于泗此徐州大野之濟也

按古濟不分二

派此據後世之蹟耳考水經荷水亦合泗入淮則豫徐之濟政是一派

援神契云舜

生姚墟應劭謂與雷澤相近樂史言姚墟西十三里為雷澤舜所漁也今考媯汭歷山皆在平陽城陽相去甚遠不應經此發跡或云雷首山下有雷澤近之

澠沮會同

澠漢書作雍

爾雅水自河別為澠濟別為澮

沮有楚音京相璠曰六國時沮澮同楚字

說文不載

王氏炎曰澠出曹州

今屬兗州府

沮出濮陽

九域志濮州有

沮溝即禹貢澠沮之沮

下流相合二水勢均故曰會同周氏曰

會同朝宗皆諸侯見天子之禮而以為喻

周禮時見曰會殷見

曰鄭曉曰河之南澠水出焉濟之北沮水出焉今亦

異流而同歸也註疏謂二水會合同入雷夏之澤者

誤說文澠水在宋又曰汭水

按韻會汭皮變切今作汭蓋避反字羅革

云是隋煬帝所易鄭端簡謂汴音
汴非汴水也豫別有汴水似未然
受陳留浚儀今開封府

祥符陰溝鄴道元曰陰溝水出陽武縣至大梁合蕩渠東南流同受鴻溝之水其川流之會

左瀆東導者至蒙今歸德府城為澠水東入于泗水
即汴水也

經注汴水出陰溝東逕梁國睢陽縣北今歸德府入
商丘縣

睢水睢水出陳留縣西蕩蕩渠地理志蕩蕩渠在河南郡滎陽縣西南首

受濟東南至陳入潁東南逕下相城在今淮安府邳州南入于泗謂之

睢口地理志睢水首受蕩蕩水東至臨淮郡取慮縣入泗韓邦奇曰汴水乃河

之別流浚儀陰溝在祥符縣蒙在陰溝之東汴流至

此名為灘即兗州府曹縣之黃水

一統志黃水即黃河支流自開封府

流至曹縣界

東歷徐州境入泗水古時汭泗皆在河之東

南故灘入泗今河徙而南灘在河西泗在河東灘為

河截斷今入河矣

一統志汭水至中年縣北入黃河

睢水一在開封

府陳留縣經睢州寧陵縣一在歸德府夏邑縣經永

城縣至鳳陽府宿州皆流入泗今一入泗一入淮二

水皆豫徐之水去兗尚遠經所謂灘乃河之別流兗

州者政如沱潛二水或出荆或出梁也

鄭曉曰沱潛灘沮乃江漢

河濟支流究多灘豫多沮梁多北荆多潜

愚按爾雅釋名灘反入反入者

河決出復還入也兗州府志灘河在曹州東南二十

五里

或云即黃水

惟沮無考水經注濮陽城西南十五里

有沮丘城豈城以水得名歟古河濟支流當在曹濮

之間自河遷濟伏今皆塞為平地諸家多引汲睢為

言夫究與豫徐接界兗州之水流入豫徐此容有之

但經文之沮本子余切睢水之睢乃許規切音雖漢

高彭城之敗睢水為之不流音義既殊津瀾互別蔡

傳引曾氏說疑雎水卽沮水失考故耳

桑土既蠶是降丘宅土

蔡傳桑土宜桑之土既蠶可以蠶桑也蠶性惡濕故

水退而後可蠶獨于充言之者究地宜桑後世之濮

上桑間猶可驗也孔傳地高曰丘大水去民下丘居

平土就蠶桑

降丘宅土與既蠶連文故知是就蠶桑也

正義下丘居土諸

處皆然獨于此言之者鄭玄云此州寡山而夾兩大

流之間其民尤困水害既除于是下丘居土以其免

于厄尤喜故記之 愚按詩譜衛地封域東及兗州

桑土之野孔穎達云濮陽在濮水之地

今濮水在東昌府濮州

是為桑土

濮州志兗之桑濮為上入其境蔭蔽阡陌

王氏炎曰今德博河

間產絲最多漢志稱齊人織作水紵繡綺

水謂布帛之細其色

鮮潔如水也

號為冠帶衣履天下其地宜桑可知識之者

農桑衣食之本故也

徐常吉曰兗地多產土紬疑

是時有野蠶食桑而成繭者桑土既蠶則知水患之

息然後降丘宅土而為安居之計若云蠶桑利興則

當言于降丘宅土之後而不當言于降丘宅土之先矣

厥土黑墳

音粉

厥草惟繇

音遙

厥木惟條

蔡傳墳土胍墳起也如左傳祭之地地墳

馬融曰有膏肥也方

言青幽之間凡土高且大者謂之墳

繇茂條長也正義九州惟究徐揚

言草木者三州偏宜之也究宜草木則地美矣而田

非上者土下濕故爾陳氏大猷曰究徐揚居河濟

江淮下流水未平則為下濕于草木非宜水既平則

為沃衍于草木尤宜故惟三州言草木

厥田惟中下厥賦貞作十有三載乃同

載馬鄭本作年

田第六賦第九

林氏曰冀州之賦比九州最多故為上上兗州之賦比九州之賦最少故

言下

蔡傳貞正也兗賦最薄言君天下以薄賦為正

也金氏履祥曰貞字本下下字也古篆凡重字者或

于上字下添二兗賦下下篆從下二或誤作正通為

貞

蘇傳貞正也隨田高下賦之正也此州田中下賦亦中下按中下是雍州之賦九州賦為重出此說

非是金氏說得之

蔡傳兗當河下流之衝水患雖平而沮如

未盡去土曠

按兗州之境甚狹不得云土曠

人稀生理鮮少必作治

十有三載然後賦法同于諸州此為田賦言故其文

屬於厥賦之下先儒以為禹治水所歷之年非是

按

云作者役功作務謂治水也治水十三年乃有賦法與他州同朱子謂十三載通始治水八年言之此州

水平後于他州五年蓋亦用二孔氏說蔡傳主耕作言為是

鄭曉曰以人事言生

聚以十年而復以天時言氣化以一紀而周今猶緩

之至十又三年而後取 朱氏震曰貞者隨所卜而

後定之名也兗地最卑狹水患雖平盈虛未卜故必

作十有三載歷歷試之史記太陰

正義曰歲後二辰為太陰

在子

早明歲美至卯穰明歲衰惡至午早明歲美至酉穰

明歲衰惡蓋歷十二辰而豐儉可定始可得其大同

之法也

按洪範曰貞曰悔又國語貞于陽卜貞作卜解其義本此

厥貢漆絲厥篚織文

篚漢書作渠

孔傳究地宜漆林又宜蠶桑

按衛風椅桐梓漆又抱布貿絲可證漆絲究為

良織文錦綺之屬盛之筐篚而貢焉正義鄭玄云貢

者百功之府受而藏之其實于篚者入于女工故以

貢篚別之漢世陳留襄邑置三服官使制作衣服是

兗州綾錦美也蔡傳織文織而有文以非一色故以

織文總之

九州要記睢渙之間出文章

水經注睢渙二水出

菰蕩渠述異記睢渙二水波文皆若五色一名繢水

天子郊廟御服出焉所謂

厥篚織文也

呂氏祖謙曰八州之貢皆衣服器用

之物所謂惟正之供

林氏曰八州所貢兗雍最寡荆揚最多

徐氏常

吉曰周禮太宰九貢一曰祀貢菁茅是也二曰嬪貢

絲枲是也三曰器貢浮磬是也四曰幣貢瑤琨皮革

是也五曰材貢柅栝栢篠簜是也六曰貨貢龜貝金珠是也七曰服貢絺紵織文是也八曰旂貢羽毛是也九曰物貢魚鹽橘柚是也

浮于濟漂達于河

韻會漂字本作濕或省作漂後以濕為乾涇之涇而漂又轉為漂字

濟詳青州及導水漢地理志漂水出東郡東武陽縣

今東昌府朝城縣

東北至千乘入海過郡三

東郡平原千乘

行千二

十里水經浮水故瀆東北入東武陽東入河漂水出

焉

按鄆道元云漂水上承河水于武陽縣東南浮水在頓丘縣南一名繁淵即澶淵班志越南至浮水

繁陽

即此

漯水東北逕千乘縣又東北為馬常坑

按玉篇坑字而

勇切地名也此當是數澤之名

亂河枝流而入于海史記正義濟漯

二水上承黃河並淄青之北流入海在齊西北界

云一

在今青州府

博興縣入海

愚接近說濟南入于河漯支分于河或

浮濟或浮漯各從其便夫所謂南入河者以南溢之

滎言也滎澤在豫州若兗州之貢必假貢于豫則入

豫州之南河矣濟水出陶丘而北即經流兗境雷澤

濟之鍾也沮水濟之別也至壽張而合汶至歷下而

合灤今究

兗州府

濟

濟南府

以北皆濟水也安在必南溢

之滎為可達河耶古時濟漯通流漢以後遂不相屬

孔疏云從漯入濟自濟入河與經文所次水道不合

當是從濟入漯從漯入河

鄭端簡亦云舊作二道者非是

黃度曰孟

子禹疏九河淪濟漯而注之海史記河至大伾禹以

河從來高湍悍難行平地廝二渠引河北載之高地

其言最精確二渠濟漯也濟通滎濮鉅野旁連荷孟

為渟涵游緩之勢漯行魏博淄齊間逶迤千餘里乃

入海皆所以殺河暴怒然後得引而載之高地也孟
康謂二渠一漂一出貝丘西南折王莽時空世稱王
莽河者非也王莽乃是秦漢間河瀆自周河徙故瀆
難憑矣又曰河過洛汭勢當就卑禹既疏濟然後引
河而東過大伾又當就卑禹又疏漂然後引河而北
於是河行漳洺瀆合滹沱滌易以入海所謂不逆地
防附屬孫順者也鄭樵曰史遷河渠書廝為二渠復
禹舊迹是以二渠出于禹及考之禹貢河自龍門至

于大陸皆為一流至秦決魏郡始有二流子長之論

蓋誤指秦時所決之渠以為禹迹也

按此說與黃氏不同並存待考

王樵曰史記禹灋二渠引河其一漂也

史記注自武陽縣東引河

入漂水東北流至千乘入海

西漢末河併行漂川其後河徙而漂

亦不復存或曰漂即濟水汎濫湍漂無涯因名曰漂

二水東北與汶合流而入于海 愚按應劭謂漂水

入海千乘河盛則通津委海耗則微涓絕流蓋此水

固與河相盈涸也圖經載漂河發源頓丘出東武陽

至博平境

今屬東昌府

與地志水經俱合地志又引桑欽云

漯水出高唐

今東昌府高唐州

酈道元曰按竹書穆天子傳

天子自五鹿

一統志五鹿墟在大名府城東晉文公受塊處

東征釣于漯水

尋其沿歷不得近出高唐疑桑氏失實然水經本言

漯水東北逕高唐縣東漯陰縣

從志屬平原郡

北不云發源

高唐也

黃度曰高唐今濟南禹城河自朝城東出行四百里始至禹城漯乃導源于此蓋本漯出

高唐語而失之

今故道難詳東昌志漯河在高唐西二里一

統志漯河在章丘縣

今屬濟南春秋屬高唐

東北七里西北流

入小清河

小清河一名灤水即濟之伏流

蓋亦畧得其彷彿宋程氏

謂出東武陽者乃漢河與灤殊異羅泌又謂灤是濟

派至東武陽入河皆不知何據而云也唐書高宗

以濟灤不屬疑禹貢所記非實許敬宗曰禹導沅水

東流為濟入于河今濟至溫而入河水自此伏流過

河而南出為滎又伏而至曹濮散出于地合而東汶

水自南入焉所謂溢為滎東出于陶丘北又東會于

汶也古者五行皆有官水官不失職則能辨味與色

潛而出合而分皆能識之書又言浮汶達濟不言合
潔潔自東武陽至千乘入海也

禹貢長箋卷二

欽定四庫全書

禹貢長箋卷三

吳江朱鶴齡撰

海岱惟青州

爾雅齊曰營州

郭璞註自岱東至海

即青州孔傳東北據海

蔡傳

作至海

西南距岱正義海非可越而言據者東萊東境

浮海入海曲之間

青州之境

非至海畔而已漢末公孫度

竊據遼東自號青州刺史越海收東萊諸郡

按通鑑董卓以

公孫度為遼東太守度越海收東萊諸縣置營州刺史自稱遼東侯平州牧與此所引小異

堯時

青州當跨海而有遼東舜分青州為營州即遼東也
風俗通泰山曰岱宗為五岳長王者受命恒封禪之

史記泰山之陽則魯其陰則齊

泰山在今濟南府泰安州山海經注從山

下至頂四十里三百步

金氏履祥曰青州于中國為正東故名

從東方之色岱起東方為中國水口表鎮連延而生

諸山北即原山汶水出其西淄水出其東東即蒙艾

為沂水諸源又東維山維水所出西南即泗水所出

熊氏永曰遼東朝鮮等處皆青州境

此主孔氏說朝鮮應屬冀州

其地曠隔故分為營州青齊乃東方形勝要害之地

世號東西秦秦得百二齊得十二蓋可見矣

程大昌曰百二

言苟得百人則其力倍之如二百人也十二亦然

蘇秦謂齊南有泰山東有

瑯琊

山在諸城縣東南百四十里東枕大海

西有清河

水經淇水自館陶東北過廣宗

縣東為清河漢因置清河郡

北有渤海四塞之國也膏壤二千里

兼鑄山煮海之利故春秋戰國時富强甲天下王

樵曰古青州之境先儒皆以為越海而有遼東然稽之于經青州貢道自汶達濟別無海外貢道而冀州

島夷皮服夾右碣石入于河正遼東入冀之貢道乃
青州北境所至之海也則遼東屬冀非屬青營自冀
而分非青之所分也又曰中國疆界固有非至海畔
而止者如珠厓在大海中自為一隅而屬於嶺南然
雖越海而土俗相接又他無可附若遼東則固中國
之東壤耳豈有不屬接壤之冀而遙屬隔海之青乎
蔡仲默于冀州傳中引程氏云冀之東北境則漢遼
東西右北平是矣于舜典傳中乃仍用孔氏之說至

此易據為至而不明其故是尚無歸一也愚按周併
營州于幽州職方氏其澤藪獫養其浸菑時鄭康成
註皆在青州域內則周之幽州半得青州故壤又爾
雅名青州曰營州馬融云舜以燕齊遼遠分燕置幽
州分齊置營州亦同孔氏之說然以經文貢道考之
誠如王方麓所疑豈遼東屬青乃商周以後之制禹
時則不然耶更考

明初遼東鎮原附
山東後改隸京師

齊乘青州東北

跨海跨小海也本名渤海亦謂之渤海海別枝名也

自平州碣石南至登州沙門島是為渤海之口濶五
百里西入直沽幾千里馬漢王橫乃謂九河之地淪
為小海然則唐虞之時青州跨海者跨何海耶蔡氏
書傳金履祥通鑑前編皆祖橫說又謂小海所淪青
究北境悉非全壤豈二州北境有荒漠棄地為海所
漂沒而歷代信史不之書耶無是理也青州府志今
青州府諸城縣東南近海太公賜履東至于海是也
樂安壽光

漢北海郡治

北岸海則漢書所謂北海也古稱

小海即渤海愚按志稱沙門島大海以西皆為青州
北海今青州古北海濟南河間古渤海地名分而海
則一孔傳所云東北據海者此也永平府南至海岸
一百六十里即此海其登萊之海在正東又非禹貢
所表識

班固配十二次自須女八度至危十五度為玄枵之

次

費直起女六度蔡邕起女二度
玄枵一名天龜爾雅玄枵虛也

于辰在子齊之分

野

左傳鄭裨竈謂歲在顓頊之虛姜氏
任氏實據其地是玄枵為齊分星也

天官書平旦

建者魁魁海岱以東北晉天文志虛危齊青州齊國
入虛六度北海入虛九度平原入危十一度菑川入
危十四度

周職方氏正東曰青州其山鎮曰沂山其澤藪曰望
諸其川淮泗其浸沂沭

周青州實
禹貢徐州

通典青州之界從

岱山東歷密州東北歷海曲萊州越海分遼東樂浪
三韓之地西抵遼水也周以徐州合青州其土益大
秦置郡為徐郡瑯琊之東境遼東漢武置十三州為

青州後漢晉魏因之漢地理志周成王時薄姑氏與

四國共作亂成王滅之以封師尚父詩風齊國是也

顏師古曰武王封太公于齊未得薄姑之地成王以益之也薄姑左傳作蒲姑太公四世孫胡公自營丘

徙都之薄姑今博興縣營丘今樂昌縣俱屬青州府齊地東有淄川東萊瑯

琊高密膠東南有泰山城陽北有千乘清河以南渤海

之高樂高城重合陽信西有濟南平原皆齊分臨

淄本名營丘齊都海岱之間一都會也後漢郡國志青州刺

史治臨淄部郡國六濟南平原樂安故千乘郡和帝改北海東

萊齊國通考漢時為郡國十二郡則北海濟南

文帝時為

國後復齊瑯琊

東境是

東萊遼東樂浪玄菟國則高密

文帝

別為膠西國宣帝更為高密

膠東淄川城陽

城陽國治莒光武合為瑯琊國移治開陽

又合菑川高密膠東三國屬北海

唐地理志河南道古青州域青

北海

淄

淄川析齊州置

密

高密今諸城縣

登

東牟析萊川置

萊

東齊南

為玄枵分

河北道則安東府宋史京東東路府一曰濟南州六

曰青淄濰萊登密通考宋分青州為青冀二州青領

郡九理臨淄冀領郡九理歷城明一統志古青州今

山東省青州

秦置齊郡漢分置北海郡東漢為齊北海樂安三國地晉為北海樂安二國地

隋唐曰青州宋為鎮海軍元改益都路其地憑負山海東道之雄

登州

古斟尋國春秋年子國秦

屬齊郡漢屬東郡後魏析為東萊郡隋置牟州唐改登州元屬益都其地三面阻海惟西南一路接萊州

府城

萊州

春秋萊子國秦屬齊郡漢置東萊郡北魏曰光州隋唐曰萊州其地東亘羅山西阻

離水南距神
山北鎮渤海

三府其濟南府則兗青二州域

歷城章丘鄒平

淄川長山新城濟
東濟陽屬青州

遼東都司則冀青二州域

縣分青東北為

營州秦以營州為遼東郡今廣寧以東是鄭曉曰遼水以東遼陽一路是

愚按古稱三

齊者右即墨中臨淄左平陸

史記注平陸兗州縣在大梁東界

青齊

之險在于廣固

曹嶷所築劉裕滅南燕夷其城

南有大峴足恃

在臨朐

故潘聰勸慕容德都之然地雖稱四塞而非用武之

國帝王之興未嘗由此宋時海中諸夷朝貢皆道登

萊嘗宿重兵習水戰為京東屏捍明猶置備倭都司焉

嶠夷既畧

嶠夷史記作禺
缺嶠說文作嵎

嶠夷見堯典蔡傳今登州之地

齊乘即寧海州寧海唐牟平也

畧經

畧為之封畛也

封畛謂封植以定界開畛以
墾田孔氏用功少曰畧非

楊慎

曰左傳天子經畧注聚土為封曰畧經是巡行畧是

邊界既畧謂立邊防以界嵎夷魏了翁曰畧字從田
從各謂有界限分明正天子經畧之事也孟子云此
其大畧畧字本借言謂得其邊而未盡其中 王樵
曰他州皆先水後土此以嵎夷為青州邊界之地無
與于濰淄故先言之

濰淄其道

濰漢書作惟
淄漢書作留

漢地理志濰水出瑯琊郡箕縣

今青州府
莒州

箕屋山

括地志密

州莒縣山
濰水所出

北至北海郡都昌縣

今萊州府
昌邑縣

入海

過郡
三北

海瑯琊

行五百三十里

齊乘漢志維或作淮故俗亦名淮

水經注維

水導源維山東北逕昌安縣東左合汶

此東汶也

又東北

逕下密縣

今萊州府維縣

西都昌縣東入海

青州府志維水東北逕諸城高

密又西北至安丘合汶水北至昌邑入于海

漢地理志淄水出泰山郡萊

蕪縣

今屬濟南府春秋夾谷地

原山

括地志淄州淄川縣東北原山淄水所出一統志原山在

萊蕪縣東五十里連淄川縣界

東北至千乘博昌縣

今青州府博興縣

入濟

山東通志淄水流逕臨淄益都壽光界入濟水

水經注淄水出原山世謂之

原泉東北逕廣饒縣

今青州府樂安縣

南入馬車瀆

齊乘清水泊北

出為馬車瀆今高家港也亂流至琅槐入海愚按維在東南溜在

西北水經維水出箕縣維山說文出箕屋山淮南子
出覆舟山實一山也在今莒州西北九十里溜水多
伏流色黑考齊乘出益都縣東南二十五里岳陽山
東麓古萊蕪縣岳陽即原山地志云入濟近志皆然
水經獨云入海蓋馬車瀆以下乃濟水入海處溜水
入海之道與濟水正同非經志互有齟齬也或疑溜
若入濟貢道何不由之而以班志為誤特未深考耳

蔡傳此云入濟下又云入海宜定從一

蔡傳上文言既道禹為之道也

此言其道汎濫既去水循其道也 鄭曉曰青西南

雖距岱而無羣山之險故嶠夷畧而瑯琊左右皆樂

土東北雖至海而非衆流之衝故維淄道而濟汶上

下皆安流

厥土白墳海濱廣斥

斥漢書作瀉

說文東方謂之斥西方謂之鹵斥鹵鹹地正義海畔

迴濶地皆斥鹵故曰廣斥言水害除復舊性也林氏

之奇曰此州之土有二種平地之土色白而性墳海
濱之土彌望皆斥鹵金氏履祥曰斥鹵可煮為鹽故
齊有魚鹽之利今登州千里長沙是其地 茅瑞徵
曰州境瀕海者三青土獨舉海濱以鹽利所開誌其
始

厥田惟上下厥賦中上

田第三賦第四

厥貢鹽絺海物惟錯岱畎絲枲鉛松怪石萊夷作牧厥

筐檠絲

管子齊有渠展

地名

之鹽燕有遼東之煮

顏師古曰古夬沙氏初煮

海為鹽其後又出河東太鹵臨卽火井今則處處有之

愚按鹽之名見于經始

此然禹時貢上資食用而已未以為利也太公通魚

鹽之利亦以為民用之富國起于管子至漢武專置

鹽官行禁權之令而其利遂日盛矣小爾雅葛之精

者曰絺粗曰綌蔡傳海物非一種故曰錯秦繼宗曰

錯與上上錯之錯同海物不可常得故錯雜于鹽絺

之間而間一貢之畎谷也岱畎岱山之谷也下五者

皆岱谷所產說文臬麻子也廣韻麻有子曰臬無子

曰苴

圖經本草麻子績其皮以為布鹽鐵論古者老而衣絲其餘則麻臬而已故命曰布衣其後乃

絲表

說文鉛青金也古稱黑錫孔傳怪石好石似玉

徐常吉曰即今萊州溫石之類

林氏之奇曰怪石之貢意必須之為

器用之飾非以為玩好也蔡傳萊夷萊山之夷

萊山在登

州府黃縣

齊有萊侯萊人

左傳夾谷之會萊人以兵劫魯侯

今萊州之地

作牧言可放牧夷人以畜牧為生也孫氏曰作耕作

牧放牧當是二義爾雅注麋似桑說文麋山桑有點
文者材中作弓及車轆孔傳麋桑蠶絲中琴瑟絃蘇
傳惟東萊有此絲以之為繒其堅韌異常萊人謂之

山繭

山東志麋絲出棲霞縣青萊亦有之繭
生山桑不浴不飼居民取之製為紬

因萊夷

作牧而後有此故書篚在牧之後姚舜牧曰朱子謂
青州萊夷間于貢篚之間意時貢土物以見來王之
意解者因謂萊夷放牧處出山桑之絲遂以篚貢愚
竊以為未然九州自梁雍之外未有貢而無篚者未

聞所篚必出于夷也。篚雖亦貢物，特女工所入，故別之。若萊夷作牧，當是萊夷所作，惟牧其所貢，必即所牧耳。此與徐淮夷蠙珠暨魚所貢，必珠與魚，揚島夷卉服所貢，必卉服，無二。可以徐之玄纁，縞即為淮夷之篚貢耶？可以揚之織貝，即為淮夷之篚貢耶？然則可以青之縠絲，即為萊夷之篚貢耶？聞山東至今尚貢馬，當是作牧遺意。若謂惟東萊為有此絲，亦必青州取以充貢，決非萊夷之篚貢也。蔡氏元定曰：貢物

不以精麤為序而以多寡為序青州鹽居多故序于先他倣此

愚按凡物之產遷于其地而弗為良故必謹誌所出不責之以所無也史稱齊地饒魚鹽其俗侈織作冰紈綺繡故青州之貢較他州特繁乃今者海錯盛于嶺粵而海岱則微鹽利廣于淮滄而青齊不逮絲枲不及三吳文石僅稱徐碭豈山川物力亦因時而衰旺歟抑三代以後人情競勝所在搜奇而貢額亦絕

異也

浮于汶達于濟

漢地理志汶水出泰山郡萊蕪縣原山西南入濟

蔡傳

入濟在鄆州中都縣

水經汶水出萊蕪縣原山西南過壽張縣

今兗州府壽張縣

北又西南至安民亭

亭北對安民山今曰安山

入于濟

經泰山郡魯東平二國

濟水至乘氏

一統志漢乘氏縣故城在鉅野縣西南五十里

分

為二其東北流者過壽張西界安民亭南汶水東北

來注之又東北至博昌樂安縣南入于海

今名大清河古濟今

汶

王樵曰維淄二水不通河維去汶遠惟淄與汶俱

出原山而貢道由汶者入濟故也

蔡傳淄水出原山之陰東北入海汶

水出原山之陽西南入濟

胡璣曰今張秋北有鹽河

即大通會城清河

是浮汶故道齊乘入濟之汶見禹貢

北汶在上縣北

入維

之汶見漢志

東汶

入沂之汶見水經

水經沂水注嶺水二源雙會東導

一川俗謂汶水東逕蒙陰城陽流入沂

齊有三汶清河為大

述征記泰山郡水皆

名汶有羸汶柴汶牟汶浯汶皆源別流同又在三汶之外

又曰水經注濟枯渠注

鉅野澤澤北則清水

濟瀆南被孟豬北注鉅野王莽時枯竭故曰濟枯渠注鉅野濟

水又北汶水注之戴延之所謂清口也自鉅野北出至四瀆津與河合流四瀆津在高唐西南鉅野

今梁山泊也北出為清河古自壽張合汶水文水至

東平

今兗州府東平州

城南其西即安山閘閘下清口有古

安民亭遺址清濟與汶合處今閘清水南導任城

今齊

寧州則清濟不入汶汶自行古清河矣愚按禹貢汶

水出萊蕪入濟酈道元云汶水自桃鄉四分其派別

之處謂之四汶口又西南合為一所謂北汶也又地

志汶水出瑯琊朱虛縣

今青州府臨朐縣

東泰山

一統志臨朐縣沂山

亦名東泰山

東至安丘入濰所謂東汶也

董氏曰出萊蕪者今須城之汶

是出朱虛者今濰之東南有大汶小汶是

論語之汶上當是北汶蓋汶在

濟南魯北閔子云必在汶上者欲北如齊也又按今

大清河即濟水故瀆古時挾汶入海水經入海在樂

安山海經亦云濟水絕鉅野注渤海在琅槐東北應

劄曰博昌東北八十里有琅槐鄉故縣也為今青州

府界而各志俱云濟河故道經濟陽齊東武定青城

濱州蒲臺利津入海皆濟南屬邑與古經不合當更

考今小清河即灤水發源濟南音突諸泉水經注

歷城北流注濟謂之灤口泉源上奮水湧若輪本濟水伏流北出為大明湖

河在濟南府城內周十餘里與大清河合今下樂堰灤水舊入濟處堰南即小清河東

逕章丘會灤河又東逕鄒平長山新城俱屬濟南又東逕

高苑入博興樂安界俱屬青州合烏河齊乘云即時水蓋伏淄所發北

至馬車瀆入海或云古灤水自華不注在濟南府城東南東

北入為大清河偽齊劉豫導之東行始為小清河云

考近志汶源有三一出泰山之陰仙臺嶺一出萊蕪

原山之陽一出萊蕪寨子村會泰山諸泉至泰安州
靜封鎮合為一謂之大汶口西南流與徂徠山陽小

汶水合經寧陽縣西北分為二其一由堽城

疑卽漢岡縣地

志屬泰山郡

南流別為洸水

水經注洸水出東平上峯汶水于岡縣西

經嶺陽

濟寧境其一由堽城西流至東平州東五十里會坎

河諸水入大清河由東阿而北至利津入海

至利津富國鹽

場入海

此故道也自元人于寧陽縣東築堽城壩以遏

其入洸之流明初又于東平州東築戴村壩以遏其

入海之路于是全流盡入運河而入海之道多塞其

汶水既入運河者又從張秋分流復由故道會諸州

縣溝泉之水合小清河東北注海 山東通志宋初

都汴京東之粟

濰密以西
州郡是

歷曹濟及鄆入五丈渠

在魚

臺縣至京師元初開濟州新河由大清利津諸河入

海由海道至直沽既而海口沙塞復從東阿陸輓至

臨清入御河

元初之漕汴河至中灤陸運至淇門復
由衛河以達京師中灤在封丘縣西南

舊黃河北岸淇門在
濟縣西南即古枋頭

又開膠萊新河

以其自膠抵以
萊故名膠萊

通海道其後開會通河自濟寧直達臨清水運四百
里然河渠淺澁舟不負重歲運不過數十萬石終元
之世海運不能廢也明初給餉遼卒海運如故永樂
都北亦嘗行之其後復濬會通河于是漕利通而海
運罷膠萊故道亦遂湮廢 東阿志杜佑言今東平
濟南界中有水流入海謂之清河實荷澤汶水合流
因舊名稱濟非濟水也漢以後汶所由道則自岡城
西南流至汶上之北四汶口又西北流過東阿縣西

又東北流五百里入于海其後元人開濟州河渠遏

汶入洸至任城會源間而分

今濟寧天井闢

會源間之水分

而北流者至須城之安民山入清濟故瀆以通海運

未幾開會通河自安民山達臨清而汶水始會于漳

在東昌府

不由濟瀆入海故元初海運謂之引汶入濟濟

者濟故道也其後開會通謂之引汶絕濟絕者濟為

漕河所遏不得東也而大清河至是不謂之濟而謂

之汶矣及考今河流其源出東平北蘆山之陽謂之

蘆泉西南流逕東平城北坎河水南來會之坎河者
汶下流也明初于坎河之南築戴村壩遏汶水北流
之道使南入于運然每秋水泛溢決戴村壩而西至

東平城南又折而西北入大清河至魚山

在東阿縣
安山東

南龐家口小鹽河水西來注之小鹽河者運河所出
汶支流也汶水由戴村壩南流逕汶上之北至南旺
而分其分而北者由沙灣五空橋洩之而東至龐家
口大清河大清河又北逕魚山西龍溪水南來注之

又東北入平陰境又東北由長清齊河過濟南之北
至利津入海也春夏旱暵坎河水西來者少則蘆泉
諸水獨行大清之渠以會沙灣諸流故今所謂大清
河者第得汶之首尾而實以東平諸泉由濟故瀆入

海蓋亦不得專謂之汶矣

海上鹽舟至濊口由大清河而上南至東平西至張

秋故大清謂之鹽河

于慎行曰汶水由東平北流合北濟故

瀆以入于海泗水由曲阜南流合南濟故瀆以入于

淮此水經故道也自元憲宗七年

宋理宗季年

濟倅畢輔

國始于堽城之左作斗門遏汶流至任城入泗以餉宿蘄戍邊之衆謂之引汶入濟此堽城壩所由始也世祖至元二十年以江淮水運不通自任城開渠達

于安山

凡百五十里

為一牕于奉符

即堽城壩

以導汶水入洸

為一牕于兗州

即金口壩

以遏泗水會洸合而至任城會

源牕南北分流此天井閘所由始也二十六年用壽

張尹韓仲暉言復自安山西南開河由壽張西北至

東昌臨清直屬御漳

凡二百五十里建牕三十有一

謂之引汶絕濟

此會通河所由始也明初河決原武會通河塞永樂

九年命尚書宋理等濬其故道遏汶水全流南出汶

水之西

築壩于東平戴村橫亘五里

入于南旺

南旺最為高阜而河身跨焉在汶上

縣西三十里濟寧州北八十里

分而為二六分北流以達御漳入海四

分南流以接沂泗

入淮

此南旺所由分也

比舊河北徙幾二十里又

于戴村北留坎河口溢則決之以入海涸則塞之以濟運由是汶水不復入洸而會通河復矣然當

會通初開未受河患安流者百年至正統景泰以後

河往往決祥符黃陵諸口橫貫張秋運渠東流入海

而運受河患于北于是徐有貞劉大夏相繼治之此
張秋決河所由平也正德嘉靖以後往往決曹單諸
口直貫魚臺塌場口東南入淮而運受河患于南于
是盛應期朱衡相繼治之遂于昭陽湖東岸

夏鎮至
留城

開渠百四十里以避河水之險而運道始安此夏鎮

新河所由成也總之漕在東省出入郡境十居其七

而沂泗汶洸諸水

汶之支為洸
泗之合為沂

挾百八十泉之流互

相輸轉以入于運自金口堰修而泗水盡入于漕戴

村堰修而汶水盡入于漕張秋功成而河之北決塞
夏鎮功成而河之南道徙故漕之利在汶與泗其要
害在河 茅瑞徵曰汶水西流其勢甚大而元人于
濟寧分水遏汶于堰城非其地矣每遇水發西奔坎
河洸流益微運道或壅故元時會通歲漕不過數十
萬至明朝于戴村遏汶南旺分水而汶始以全流濟
運矣

此用老人
白瑛計

兗州府志臨清而北衛水之流盛

徐沛而南河水之流盛惟自臨清南歷張秋南旺濟

寧以至茶城數百里賴汶泗沂沭諸泉之水以濟

程敏

政曰泗沂沭汶之水畢會于濟寧而分流于南北

王樵曰今漕輓之道南

自淮陰北抵海口計三千餘里而山東泉水之通運河者不過汶泗諸流當河之未南徙也以汶泗諸流濟三千餘里而未嘗不足及河之決而入運河也不憂其泛濫則虞其淤塞雖有山東諸泉不復為運河之利何也蓋黃河未來運道命脉全賴諸泉故當時建閘築堰以節宣之尺寸之水盡為漕用黃河既來

而運道不資于泉故泉政日弛泉流日微或為豪強
所侵或為砂礫所塞譬猶人身精神愛養則常盈耗
散則隨竭無足怪也 明初山東轉漕全倚汶水濟

運原不資于黃河說者謂引黃濟漕如延盜入室正
統中河決滎陽至陽穀入漕河潰沙灣入海景泰中
徐有貞塞治乃分流自蘭陽東至徐入漕河以疏殺
之而河始合于漕正德以後黃流益盛當其漫溢濟
汶諸水皆從之入海而會通輒水衝沙闕于是治運

難而治河益難矣先時自淮達濟廣置諸防政恐黃
河衝入為害今徐洪以下反專恃河為運及水不至
則開濬以引之挑淺築隄歲無寧日嗚呼可無長策

哉

輯諸
家說

禹貢長箋卷三

欽定四庫全書

禹貢長箋卷四

吳江朱鶴齡撰

海岱及淮惟徐州

爾雅濟東曰徐州

郭璞註自濟東至海

孔傳東至海北至岱南

及淮蔡傳徐州之域西不言濟者岱之陽濟東為徐
岱之北濟東為青言濟不足以辨故畧之爾雅濟東
曰徐州者商無青并青于徐也周禮正東曰青州者
周無徐并徐于青也林氏之奇曰一州之境必有四

至七州皆有二至蓋以隣州互見此獨識其三邊者
嫌同于青揚 熊氏永曰徐州沂泗諸水在其前冀
東兗豫之地皆可接引而在懷抱拱揖之內亦東方
一形勝也徐即魯境地連淮海東夷其俗有二曲阜
沂泗則文雅禮義之邦而彭城則其俗雄傑鷙悍淮
夷徐戎皆在其地

文穎曰彭城故東楚也
項羽都之謂之西楚

愚按禹時

淮北為徐州淮南為揚州周淮北為青州春秋時淮
北為魯為齊為宋南為吳故晉欲通吳必假道宋之

彭城後楚破越東侵泗上盡取故吳地而淮南地皆

為楚矣

晉分淮北為北徐州淮南為南徐州

班固配十二次自奎五度至胃六度為降婁之次

直費

起奎六度蔡邕起奎八度爾雅降婁奎婁也

于辰在戌魯之分野

左傳昭七年四

月日食于豕韋之末降婁之初士文伯以為魯衛之惡衛豕韋也魯降婁也周四月今二月日在降婁

屬徐州

春秋元命苞天氏星主司弓弩流為徐州別為魯國廣雅北斗七星四為權權為徐揚州

晉天文志奎婁胃魯徐州東海入奎一度瑯琊入奎

六度高密入婁一度城陽入婁九度膠東入胃一度

詩譜魯封域在禹貢徐州大野蒙羽之野宋封域在
徐州泗濱西及豫州孟豬之野通典徐州魯其分野
兼得宋齊吳之交秦置郡此為泗水瑯琊之西境薛
郡漢又加置東海郡武帝置十三州復以其地為徐
州後漢因之漢地理志魯地東至東海南有泗水至
淮得臨淮之下相睢陵僮取慮音趨皆魯分地狹民
衆頗有桑麻之業無林澤之饒宋地今之沛梁楚山
陽濟陰東平及東郡之須昌壽張皆宋分

內梁國應
入豫州志

尺云東平須昌壽張皆在濟東屬魯非宋地也 濟陰定陶詩風曹國也宋至

景公滅曹後五世亦為齊楚魏所滅齊得其濟陰東

平楚得其沛

史記自鴻溝以東芒碭以北屬鉅野此梁宋也陶睢陽亦一都會也

後漢

郡國志徐州刺史

治剡今剡城

部郡國五東海瑯琊彭城

廣陵下邳通考漢時為東海臨淮

章帝併入下邳

山陽魯郡

而瑯琊郡

南境是

泰山郡

南境是

沛郡

東境是秦故泗水郡

附焉國

則楚泗水

武帝分東海郡置

唐地理志河南道古徐州城宋

碭山單

父是

徐宿

新徐州置

鄆曹

濟陰

為大火分兗

魯海

東沂琊琊泗臨淮本為降婁分濠鍾離為星紀分內宋曹

典入豫州鄆州通典入宋史京東東路則沂州淮陽

兗州濠州通典入揚州軍京西路則襲慶本兗州東平本鄆州二府徐單二州

淮南東路則宿海泗三州漣水軍今安東縣明一統志古

徐州為今南直隸徐州春秋宋地戰國屬楚秦屬泗水郡漢改沛郡又分立楚國

置徐州隋為彭城郡唐置武寧軍節度元屬歸德淮府其地東接齊魯南通江淮西控梁宋歷代重鎮

安府春秋屬吳後屬越戰國屬楚秦屬九江郡漢屬臨淮郡及廣陵國東漢屬廣陵郡下邳國晉分

廣陵置山陽郡隋唐曰楚州南宋與則徐揚二州域金為界其地控山阻海江淮要衝

清河安樂桃源沭陽海州贛榆
邳州宿遷睢寧在淮北屬徐州
山東兗州府則兗徐

二州域

嶧陽曲阜寧陽鄒縣泗水滕縣城武嶧縣金鄉魚臺單縣濟寧州嘉祥鉅野鄆城曹州曹

縣定陶沂州邳城費縣屬徐州按荷澤在豫州詩譜曹國在雷夏荷澤之野則曹縣定陶等地應為兗豫二州之域鄭端簡云曹州南境是徐州鄭又以青州府之莒州沂水日照安丘諸城蒙陰屬徐州

于慎行曰余覽古圖經北紀諸山負地絡之陰並太行王屋東踰常山至醫無閭而止南紀諸山負地絡之陽連桐栢熊耳入于甌越江淮河濟東下如建瓴矣岱宗獨立海上西向而揖羣山汶洸沂泗出其支

麓旋之如帶以入于海其狀若負辰云往河流燕齊
間由岱之北挾濟入海今徙徐方顧反出岱岳南挾
淮入海斯地道所由變遷也 陳繼儒曰唐一行云
天下盡于南北兩戒北有黃河南有長江夾中間大
地曰中條中條之西為豐鎬上應太微垣為天下之
至險豐鎬而東至洛邑上應紫微垣為天下之至中
文武既都之其中條黃河長江夾至盡處忽泰山插
天截水西向其左為河濟入海之道其右為江淮入

海之道東魯政在江河夾流中周公又分封于此蓋
中條以豐鎬為首洛陽為腹青徐為尾而周公曉暢
地脉都收拾一家厥後齊先滅魯後亡固見地脉弘
遠又生孔顏諸聖賢為文教主非果中條盡龍何以
有此 愚按徐州邊海地在安東贛榆之間不甚延
長而汴睢汶泗諸水合流其境乃運道襟喉彭城勢
控南北尤兵家攻守之地章俊卿曰禹別九州其道
里廣狹全不相侔濟河兗淮岱徐相去不能千里荆

河豫千里而羸海岱

青

千里而縮荆山衡陽荆二千

里東海西河

冀

二千里壽春之淮潮陽之海揚相去

且五千里龍門之黃河燉煌之黑水雍相去以四千

里至華陽之黑水梁窮數千里而未知所經是廣

狹之殊也或謂九州之內品別墳壤故道里無得而

均然荆河淮濟之間

兗徐豫三州境

至不能當淮海一州之

半使三州壤別難併揚州之大獨不可得而釐耶盖

九州之制實倣井田之法王圻居內八州環拱是同

養公田之義也故區別境壤不因土宇之大小惟據
民田之多寡而均之耳如荆河淮濟之間百舍坦夷
萬頃一瞬而又當中原要區民力修地利盡故徐兗
豫境土最狹也至淮漢以南揚荆梁函梁劔以西梁江湖環
流關嶺重複又僻在遐陬濶踈稼政平地蓋寡闢田
甚難故雍梁最遼濶也西漢去古未遠方其極盛天
下戶口千二百餘萬徐兗豫當五百五十萬而荆揚
雍梁四州當三百萬戶青冀二州當三百五十萬戶

夫民非穀不生穀非民不殖推其戶口之數足以見
田疇之多寡九州之別惟民田是均斷可識矣愚按
古時封建其疆域道里之數亦當以井田為準如周
公封魯孟子云百里明堂位云七百里所謂百里蓋
指鄆鄙郊遂之地可建晦出賦者而言

如後世所
云實封

魯

地在泰山之陽徂徠梁父諸山皆居封域濟河環之
其井甸所出固不能越百里而加贏也若明堂位之
七百里則包丘陵阪險及附庸閒田在內王制名山

大川不以封而又有閒田以貶列侯之功罪而予奪之孟子所謂慶以地讓以地者是也然其法止可行于中原博衍之區至于交益甌閩地皆崇山巨浸則載師所不能詳此禹服五千里之外先王半棄之而為夷貊也歟

淮沂其乂

曾氏曰淮源出豫至徐揚之間始大汎濫為患尤在于徐故淮之治于此記之

圖經淮河在淮安府治西南五里自泗州龜山東北

流與沂河合

漢地理志沂水出泰山郡蓋縣

一統志蓋城在

青州府沂水縣

臨樂山南至下邳

今淮安府邳州

入泗過郡

三泰山瑯琊東海

行六百里水經注沂水出泰山蓋縣艾山

兗州府志沂河出青州府蒙縣西北一百二十里艾山水經蓋縣艾山即北南流至沂水縣城西

水

有二源南源所導謂之柞泉北水所發謂之魚窮泉

俱東南流合為一又東南逕東莞

今青州府沂水縣

西與小

沂水合

小沂水出黃孤山西南流逕東莞注沂

又東南逕蒙陰

今屬青州府

北與夷齒水

注見青州所謂入沂之水也

合又南過下邳縣西南

入于泗齊乘鄭康成謂沂水出沂山今蒙縣東北地

名南河川小阜下有狗泉此沂源也東南逕馬頭固

有泉東流與之合北望沂山五十里殊無別源疑沂

山水原古流今竭耳沂水南流至沂州

今屬兗州府

城東

又南分流入三十六穴湖東通沭

音沭

水

沭水南至沭陽縣又名連

水地理志沭水出瑯琊東莞縣南至下邳入泗水經過都陽縣入沂

愚按水經注引鄭

玄說沂水出沂山亦云臨樂山寰宇記艾山一名臨

樂山名雖不同本一山也一統志云艾山在邳州北

百餘里接沂水縣界沂水所出又云沂水出沂水縣
西北雕厓山流經本縣南二里豈雕厓即艾山別名
歟康成所云沂山特謂沂水所出之山耳而齊乘乃
求之臨朐縣南之沂山故疑沂山水源今竭實未必
然也金氏履祥曰徐之水以沂名者不一其出今兗
州泗水縣尼丘山過魯城南入泗者曾點浴沂之沂
也今海州沭陽縣有沂河口周禮沂沭之沂也出沂
州新泰縣

今沂水縣

艾山西南入泗者最大此禹貢之沂

也按今沂水一出沂水縣艾山會沂蒙諸泉與沂山之汶合流至邳入泗達淮地志所謂出泰山蓋縣者是也一出曲阜尼山東南六十里西流至兗城與泗合注濟寧水經注所謂出尼丘經雩壇者是也其沫陽之沂一統志不載疑即艾山派耳金氏分為三恐非蔡傳徐之水有泗有汶有汴有潁

水經注潁水出東海合鄉縣西

南至胡陵縣入泗今在沛縣東

而獨以淮沂言者周職方氏青州其

川淮泗其浸沂沭周之青即禹之徐則徐之川浸固

莫大于淮沂也

周禮注水流而趨海者曰川深積而成潤者曰浸

中都志

淮水流懷遠縣東南歷荆塗二山硤間

淮出荆山之左塗山之右

乃神禹所鑿

今兩崖石痕猶存有巨石橫梗若門限每冬水淺則見

梁武帝嘗

于此立堰以灌壽陽

徐州之水合于呂梁而入于淮淮水北受泗沂本皆

清流若黃河入海于天津汴河入海于樂安與淮無

與也自沁河

在懷慶府城北源出沁州

決斷黃河黃河決斷汴河

從朱僊鎮

在開封府

東潰南經留城

在沛縣

趨徐邳亂沔汴

直下不復東流乃徑決清河縣西而南入于淮以趨海故直謂之黃河非復泗沂之舊清河以東之淮亦皆黃流而支河反為主矣至運河之水必賴黃河乃河水西入淮則勢分而東流益緩其力不能刷沙關套所在淤積日甚而尾閭幾于不泄又黃水多發于四五月鳳泗水多發于七八月河長潰淮淮長亦潰河此為交蝕之害泗州河身高于運河丈許自高趨下其勢陡激以區區漕渠為鳳泗之歸宿每崩五壩

掃湖頭嘴諸市而與淮一此為泗河獨發之害倘淮
黃並發泗沂沁汴諸流橫溢天勢不能南越維揚
之高以入于江則停泗淹灌于全淮之境所必至也
愚按古河辨謂河濁淮泗俱清清淮勢大可以吞伏
故下流無閼塞之患黃流之不直趨維揚者以淮水
為之障耳沂在淮東與泗合今清河淮以北水皆清故謂之清河
乃泗水下流經邳州清河在邳州治西一里許其東為直河其西為沙河中都志沙
河即南至清河縣西北三汊河口分大小清河入淮

見皇
興考

蒙羽其藝

漢地理志蒙山在泰山郡蒙陰縣今屬青西南林氏

之奇曰即論語東蒙

邢昺曰顯昶主祭蒙山在東故曰東蒙一名東山

詩奄

有龜蒙齊乘蒙山在龜山東二山連屬長八十里漢

地理志羽山在東海郡祝其縣

今淮安府海州贛榆縣一統志在贛榆縣

西北八
十里

南鯨所殛齊乘今沂州東南百二十里殛鯨

山也

一統志登州蓬萊縣有羽山亦云殛鯨處

愚按羽山近海在蒙之東

前有羽潭左傳鯨化為黃能

音台爾雅
三足鼈

入于羽淵

淮南

子帝使祝融殺之于羽淵拾遺記鯨治水無績自沈羽淵

王樵曰詩藝之荏菹故

藝為種

周禮疏樹是植木藝是黍稷

王氏炎曰先淮後沂先大

而後小也先蒙後羽先高而後下也淮沂又而蒙羽

可藝事之相因也

其藝言可施功樹藝與既藝別

茅瑞徵曰山之可

種執者衆矣而獨舉徐之蒙羽與梁之岷嶠以例餘

州岷嶠江漢所出山最高大蒙羽非其配也而為淮

所經意其壤地沃饒畧有同歟經云徐田上中齊乘

稱沂州東南芙蓉山下有湖溉田數千頃香粳鍾畝

古稱瑯琊之稻元和志承縣界

今兗州府嶧縣

有陂十三所

沂嶧間仰泐承二水溉田青徐水利莫與為匹皆十
三陂之遺跡則蒙羽為沃壤可知今近徐諸山彌望
荒麓矣

大野既豬

豬史作都

漢地理志大野澤在山陽郡鉅野縣

縣以澤名鉅即大也今屬兗州

府濟寧州

北水經濟水至濟陰郡乘氏縣分為二南為河

水北為濟瀆酈道元曰一水東南流河一水東北流

入鉅野澤

濟水會濮水自濮陽南入鉅野一統志鉅野澤在鉅野縣東五里南北三百里東西

一百餘里元來為黃河所決遂涸

何承天曰鉅野廣大南導洙泗北

連清濟舊縣故城正在澤中昔西狩獲麟于是處也

其澤在曲阜西故云西狩

曾氏曰周禮職方河東曰兗州其澤藪

曰大野大野為濟之所絕禹時蓋在徐之西兗之東也周無徐故專屬兗周必大曰濟水貫兗與徐其在四瀆得天地質信寬徐之氣故大野為爾雅十藪之

首蔡傳水蓄而復流者謂之豬 王樵曰蔡傳謂鄆

州中都西南有大野陂宋鄆州今東平州即古東原

而中都則汶上縣也今南旺湖實在汶上西南

汶水東南

流至此分紫廻百五十餘里

河紀南旺湖周百里蜀山湖周六十五里

漕河貫

乎其中西湖

南旺

廣衍倍于東湖

蜀山湖即南旺東湖

而東湖北

接馬踏伍莊坡湖以及安山南接馬場坡湖以及昭

陽諸湖綿亘數百里而東原徐鄆諸邑又悉環列于

左右與古經志合是南旺湖即古大野無疑愚按漢

武時河決瓠子東南注鉅野通淮泗五代以後河水
南徙滙于鉅野王方麓謂即南旺河考河紀云南旺
在運河西岸即鉅野澤東畔是鉅又在南旺之西齊
乘又云鉅野今梁山灤北出為清河蓋宋時與灤水
滙而為一圍三百餘里自會通河開始畫為二

考禹時大野既鍾清濟洙泗而成而泗通于淮濟通
于汶淮通于沂汶通于洸而泗之上源又自大野而
通于濟則是大江以北中原諸水縱橫交織皆于大

野相連而當時入貢之路若青之浮汶兗之浮濟徐與揚之浮淮泗亦皆大野相關是大野在古已為貢道之要會矣明代漕運尤資之設四水櫃曰南旺在汶

上曰安山

在東平

曰馬場

在濟寧

曰昭陽

在沛縣

各建閘壩

以時啟閉而南旺分水嶺地最高所謂水脊

李化龍曰其地

為安山湖鉅嘉以北諸水注之而出于張秋其南為南旺湖鉅嘉以北諸水注之而出于魚臺

向非

南旺會通雖開亦枯瀆耳但今者有沙淤盜佃決隄之三患此不獨漕河失利而泰山以西地漸窪下夏

秋水發俱奔注此中宋末嘉祥鉅野曹濮壽張之間
遂成巨浸是以有梁山灤之亂今湖外皆民田也若
隄防稍廢水將漫衍淹沒可無慮哉

東原底平

孔傳東原致功而平言可耕蔡傳東原漢東平國今
之鄆州底平者水患去而底于平也後人以其地之
平故謂東平又按東原在徐之西北而謂之東者以
在濟東故也漢東平國在景帝亦曰濟東國益知大

野東原所以志濟也

徐無濟濟之分流入大野而東原在其東故謂志濟

晁氏

以道曰東平自古多水患數徙其城咸平中

宋真宗又

徙城于東南其下濕可知

王氏炎曰大野豬而後

東原平亦事之相因也

兗州府志東平州唐天平

節度使所治城東地肥饒蘆泉之沃頗宜粳稻其西

安山陂澤當汶水下流蓄而不能洩輒成巨浸

厥土赤埴墳草木漸包

埴鄭王讀作熾漸包古文作漸包

蔡傳土黏曰埴埴膩也考工記搏埴之工老氏言埴

埴以為器惟土性黏膩細密故可搏可埴也漸進長

也如易所謂木漸

姚舜牧曰易漸卦有漸進之義若鴻漸于木非此之解此外又別無

所謂木漸蔡蓋未深考耳

言日進于茂而不已也苞叢生也如詩

所謂如竹苞矣言其叢生而積也

爾雅苞積也孫炎曰物叢生曰苞齊

人名曰積

王樵曰埴土性之美者而又墳起最宜于生物

故草木漸包

厥田惟上中厥賦中中

田第二賦第五胡瓚曰土稟冲和之氣故壤為上太

燥者不凝故墳次之青州墳在壤上者以有斥鹵之利豫州土亦壤而先冀者或曰賦述為上下也

厥貢惟土五色羽畎夏翟嶧陽孤桐泗濱浮磬淮夷蠙

珠暨魚厥篚玄纁

翟漢書作狄暨史記作泉泉古暨字

孔傳王者封五色土為社建諸侯則各割其方色土

與之使立社

天子太社五丈諸侯半之周書作維篇受削土于周室即此

燾以黃

土苴以白茅

覆也

疏云用白茅裹土與之

茅取其潔黃取王者覆

四方蔡傳徐州土赤而五色之土亦間有之故制以

為貢

漢郊祀志徐州牧歲貢五色土各一斗一統志徐州北二十五里有楮土山禹時貢土即此

羽畎羽山之谷也夏翟雉具五色

周禮注夏翟總名其類有六曰翬曰

搖曰翬曰翬曰希曰蹲師曠禽經五色備曰翬亦曰夏翟張華曰雉尾至夏則光鮮

其羽中旌

旒周禮染人秋染夏染夏者染五色也林氏之奇曰

古之車服器用以雉為飾者多不獨旌旒漢地理志

葛嶧山在東海下邳縣西

一統志在邳州城西北六里

古文以為

嶧陽又魯國鄒縣北有嶧山

史記正義鄒嶧山在兗州鄒縣南二十二里鄒

山記鄒山古之嶧山魯穆公改為鄒山今其地猶多桐樹一統志在鄒縣東南五里

郭璞曰嶧

山純石積構連屬如繹絲然禹貢作嶧莫其名也魯

頌作繹取其義也愚按魯頌保有鳧繹遂荒徐宅今

鳧山嶧山並在鄒縣南此嶧陽乃鄒嶧山非葛嶧也

蔡傳孤桐特生之桐其材中琴瑟詩曰梧桐生矣于

彼朝陽蓋桐以向日為貴也

陸農師曰桐性便濕地不生于岡詩傳梧桐不

生高岡太平而後生朝陽以此觀之生山難得而生孤者尤難得也

浮磬石露水濱若

浮水然或曰石浮生土中不根著者今下邳有磬石

山或以為古取磬之地

括地志泗水至彭城呂梁出石磬一統志磬石山在邳州

城西南八十里與泗水近山有石可為磬又鳳陽靈璧縣北七十里有山亦出磬石或云禹時泗水當經流至此茅瑞徵曰泗濱陳氏大猷曰石輕浮可為磬今泗水縣是磬跡尚存

者成而貢之磬聲清越取輕浮者良

正義貢石而言磬者此石宜為

磬猶如砥礪然

淮夷見費誓孔傳作淮夷二水非是正義蟺

是蚌之別名蟺出珠遂以為珠名說文淮水出班珠

珠之有聲者今泗州名蟺城古有蟺珠潭

蔡傳珠為服飾魚用祭祀今濠

泗楚皆貢淮白魚亦古之遺制歟

一統志淮水出白魚

玄赤黑

色幣

今深紫類皂者是

為袞以祭為端以齋

衣有襦裳曰端

為冠以

居織縞皆繒名黑經白緯曰織

孔傳織細也織在中明二物皆當細非是

縞白色繒

小爾雅繒之精者曰縞

禮曰及期而大祥素縞麻衣

中月而禫禫而織皆去凶即吉之服

徐州制貢大

畧並供禮樂之用土五色雉羽亦五色物華天寶靈
有獨鍾厥後元公啟土于龜蒙夫子領徒于洙泗其
端已見此矣

浮于淮泗達于河

地理志泗水出魯國卞縣

今兗州府泗水縣

西南至山陽方

與

音方

縣

今兗州府魚臺縣

入沛

即沛

過郡二

魯國山陽

行五百里

志又云泗水出濟陰乘氏縣東南至臨淮睢陵縣入淮按一統志乘氏城在鉅野西南漢縣也各志皆不

云泗水所出道元已辨其誤

水經注泗水出魯卞縣桃墟

杜預曰魯國卞

縣東南有桃墟

西北陪尾山

一統志在泗水縣東五十里

石穴吐水五泉

俱導自卞而合洙水南逕魯城北

從征記洙泗二水交于魯城東北十

七合沂水

此出尼丘山之沂也

又南過方與縣東合荷水又東

南逕宿預城

今淮安府宿遷縣

西又東逕角城

晉縣故城在宿遷縣東南

北東南流注于淮王樵曰泗入淮淮泗不與河通而

云達于河何也蓋灋水出于河而入于泗者也由泗
遡灋由灋遡河北一道也濟入河南出而泗則至大
野受濟之合者也由泗之上源以遡濟由濟而達河
又一道也西則由灋東則由濟愚按此說本漢許慎
疏云徐州北接青州既浮淮泗當浮汶入濟以達于
河然考汶泗通流始自近代古時汶北入海泗南入
淮二水不相沿注故蔡傳用許氏之說又仁山金氏
言古文尚書作達于荷說文引書亦作荷荷澤與濟

相通而泗水上注之徐州之貢自泗達荷則達濟可知然八州之貢皆以達河為至兗州言達于河故青不言徐州言達于河故揚不言其義實相因安知古文不有誤耶 蘇傳自淮泗入河必道于汴世謂隋煬帝始通汴入泗疑禹時無此水道按漢書項羽與漢約中分天下割鴻溝以西為漢以東為楚文穎注云于滎陽下引河東南為鴻溝 應劭云鴻溝在滎陽東南二十里 以通宋鄭陳蔡曹衛與濟汝淮泗會于楚即今官渡是

也魏武與袁紹相持于官渡乃楚漢分裂之處蓋自秦漢以來有之安知非禹跡耶禹貢各州之末皆記入河水道而淮泗獨不能入河帝都所在理不應爾意其必開此道以通之其後或為鴻溝或為官渡或為汴上下百餘里間不可必然皆引水而注淮泗也故王濬伐吳杜預與之書曰足下既摧其西藩當徑取秣陵自江入淮逾于泗汴沂河而上振旅還都夫王濬舟師之盛自古未有而自泗汴入河可以班師

則汴水之大當不減于今亦足以見秦漢魏晉皆有此水道非隋煬初開也自唐以前汴泗會于彭城之東北然後東南入淮近歲汴水直達于淮不復入泗

矣

羅泌曰汴渠自古有之晉義熙中劉毅通之以伐秦始有湍流利漕史謂渠隄自滎陽而東則上疑

其為鴻溝下疑其為官渡有不然者今汴渠自西而東鴻溝橫亘南北而官渡直黃河爾鴻溝在今河陰縣官渡在今中牟縣俱屬開封府茅瑞徵曰淮在徐之南泗自北而

南入淮由淮入泗可一航而至但泗不與河通故或由灘或由濟並逆流以上方能達河今運河亦從淮

合泗而接流會通河必經于濟此取道山東者也子瞻所指汴水蓋自宋都河南一路言之豈所謂汴水由灘入泗者歟

考近志泗水四源並發循泗水城北八里合為一西流至曲阜經磁陽城東五里與沂水雩水合

沂水過曲阜而

至雩水過鄒縣而至雩水出曲阜南虎跑泉

入金口堰又南流三十里納

闕黨諸泉謂之濟河至濟寧州東城下與汶水合入

于漕

一統志今泗水至濟寧分流南流入徐州境北流入會通河

商輅曰汶泗二

水分流南北不相通自古浮于汶者自兗北而止浮于泗者自兗南而止元時南方貢賦之來至濟寧陸行數百里後從濟寧開渠抵安民山復從安民山開渠至臨清乃于兗東築金口堰障泗水西南流兗北築堰城壩障汶水南流而二水悉歸漕渠于是舟艦往來無阻因名會通河丘濬曰漢以來漕路所謂汴船不入河者率由蔡河經泗州入淮而吕梁之險吕梁在今徐州城東呂梁山昔稱天險今削平未有以之為運道者惟謝

玄肥水之役堰呂梁水利漕蓋瀦水以暫用耳非通
運也宋真宗時趙守倫建議自京東分廣濟河由定
陶至徐州入清河以達江淮漕路又以呂梁灘磧之
險而罷至本朝始用之為運道云 潘季馴曰黃河

自關陝山西河南經豐碭出徐州接淮泗始為運道

會泗沂之水蜿蜒而至清口

在清河縣
名南河口

會淮而東運

河自瓜儀至淮安則南資高寶諸湖之水西資淮黃
二河之水由清口至鎮口閘則資黃河與汶泗之水

由鎮口閘至臨清則資汶泗之水

即泰安萊蕪
徂嶧諸泉

由臨清

至天津則資汶河與漳衛之水由天津至都則資潞

白桑乾諸水

濟寧而上資汶濟
寧而下兼資泗沂

禹貢長箋卷四